

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI SUD U BIHAĆU
Broj: 001-0-Su-25-000618-13
Bihać, 17.09.2025. godine

Na osnovu člana 70. stav (1) i člana 89. Zakona o javnim nabavkama ("Sl. glasnik BiH", broj: 39/14, 59/22 i 50/24), na preporuku Komisije za javnu nabavku date u Zapisniku o pregledu i ocjeni ponuda broj: 001-0-Su-25-000618-11 od 15.09.2025. godine, u postupku javne nabavke osiguranja imovine, zaposlenika i službenog vozila, po obavještenju sa portala javnih nabavki broj 8581-7-2-87-3-20/25 za Lot 2. Kolektivno osiguranje zaposlenika, predsjednica Kantonalnog suda u Bihaću donosi:

ODLUKU
o izboru najpovoljnijeg ponuđača i dodjeli ugovora
Lot 2. Kolektivno osiguranje zaposlenika

I

Prihvata se preporuka Komisije za javnu nabavku o izboru najpovoljnijeg ponuđača i ugovor za Lot 2. Nabavka kolektivnog osiguranja zaposlenika Kantonalnog suda u Bihaću, se dodjeljuje najpovoljnijem ponuđaču „Asa central osiguranje“ d.d. Sarajevo, za ponudenu cijenu nakon provedene e-aukcije u ukupnoj vrijednosti od 3.700,00 KM bez obračunatog PDV-a, kao najpovoljnijem ponuđaču.

II

Nakon pravosnažnosti ove Odluke, prijedlog ugovora dostavit će se na potpis izabranom ponuđaču.

III

Obavezuje se izabrani ponuđač iz tačke I ove Odluke, da u roku od 5 (pet) dana od dana prijema ove Odluke dostavi sve dokaze tražene tačkom 3.1.3. Tenderske dokumentacije.

IV

Ova odluka dostavlja se svim ponuđačima u postupku javne nabavke, u skladu sa članom 71. stav (2) Zakona o javnim nabavkama i objavit će se na web stranici Kantonalnog suda u Bihaću.

O b r a z l o ž e n j e

Postupak javne nabavke Osiguranja imovine, zaposlenika i službenog vozila, pokrenut je Odlukom o pokretanju postupka javne nabavke broj: 001-0-Su-25-000618 od 29.08.2024. godine. Javna nabavka provedena je konkurentskim zahtjevom za dostavu ponuda, sa provođenjem e-aukcije u sistemu e-Nabavke. Procijenjena vrijednost nabavke bez PDV-a je 6.900,00 KM, i to: za Lot 1. Osiguranje imovine iznosi 720,00 KM, za Lot 2. Kolektivno osiguranje zaposlenika 5.180,00 KM i Lot 3. Osiguranje službenog automobila 1.000,00 KM.

Obavještenje o nabavci broj: 8581-7-2-87-3-20/25 objavljeno je na Portalu javnih nabavki dana 29.08.2025.godine i u Službenom glasniku BiH, broj: 53/25. Tendersku dokumentaciju preuzelo je 9 ponuđača.

U periodu koji je ostavljen za dostavu ponuda nije bilo postavljenih pitanja niti je bilo žalbi izjavljenih od strane potencijalnih ponuđača na tendersku dokumentaciju.

Komisija za provođenje postupka nabavke, imenovana rješenjem broj: 001-0-Su-25-000618-2 od 08.09.2025. godine (u daljem tekstu: Komisija) je dana 11.09.2025. godine izvršila javno otvaranje ponuda u prostorijama Kantonalnog suda u Bihaću o čemu je sačinila Zapisnik o otvaranju ponuda koji je dostavljen svim ponuđačima koji su dostavili ponude.

Nakon otvaranja ponuda, Komisija je izvršila pregled i ocjenu prispjelih ponuda te sačinila Zapisnik o pregledu i ocjeni ponuda broj: 01-0-Su-25-000618-7 od 11.09.2025. godine u kome je konstatovala sljedeće:

- da su blagovremeno zaprimljene 4 ponude i to:

1. Sarajevo osiguranje d.d. Sarajevo, sa ukupno ponuđenom cijenom od 5.174,40 KM, bez obračunatog PDV-a,

2. Asa central osiguranje d.d. Sarajevo, sa ukupno ponuđenom cijenom od 4.998,00 KM, bez obračunatog PDV-a

3. Croatia osiguranje d.d. Mostar, sa ukupno ponuđenom cijenom od 3.763,20 KM, bez obračunatog PDV-a i

„Triglav osiguranje“ d.d. Sarajevo, sa ukupno ponuđenom cijenom od 3.822,00 KM, bez obračunatog PDV-a i

- da nije bilo neblagovremeno zaprimljenih ponuda;

- da su sve ponude prihvatljive prema obliku, sadržaju, potpunosti, profesionalnoj i tehničkoj sposobnosti.

E-aukcija je zakazana i održana dana 15. 09.2025. godine u sa početkom u 09:45 sati i trajala je do 09:55 sati, te je pomoću automatskih metoda ocjenjivanja u informacionom sistemu E-Nabavke, izvršeno rangiranje ponuđača, shodno utvrđenom kriteriju „najniža cijena“, na osnovu kojeg je utvrđena sljedeća konačna rang lista ponuđača koji su učestvovali u E-aukciji:

r/b	Naziv ponuđača	Konačna cijena bez PDV-a	Umanjenje cijene	Rang
1.	Asa central osiguranje d.d. Sarajevo	3.700,00	25,97%	1
2.	Croatia osiguranje d.d. Mostar	3.763,20	0 %	2
3.	Triglav osiguranje d.d. Podružnica Bihać	3.822,00	0 %	3
4.	Sarajevo osiguranje d.d. Sarajevo	5.174,40	0 %	4

Nakon završne E-aukcije, Komisija je sačinila zapisnik broj: 01-0-Su-25-000618-11 od 15.09.2025. godine i dala preporuku da se ugovor zaključi sa Asa central osiguranje d.d. Sarajevo obzirom da ispunjava sve uslove tražene tenderskom dokumentacijom, te je njegova ponuda od 3.700,00 KM postignuta na e-aukciji, ocijenjena kao najpovoljnija primjenom kriterija najniže cijene.

Kako je Komisija, u skladu Zakonom o javnim nabavkama i kriterijima iz tenderske dokumentacije, pravilno i potpuno izvršila ocjenu kvalifikovanosti ponuđača, te ocjenu prispjelih ponuda, za potpisivanje ugovora za nabavku kolektivnog osiguranja zaposlenika prihvaćena je ponuda ponuđača Asa central osiguranje d.d. Sarajevo, sa konačnom cijenom 3.700,00 KM bez obračunatog PDV-a.

Obzirom na naprijed navedeno, u skladu sa članom 64. stav (1) tačka b) i člana 89. stav (1) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi u roku od 5 dana prijema odluke. Žalba se podnosi putem Kantonalnog suda u Bihaću.

Dostaviti:

1. Asa central osiguranje d.d. Sarajevo

2. Croatia osiguranje d.d. Mostar

3. Triglav osiguranje d.d. Sarajevo, Podružnica Bihać

4. Sarajevo osiguranje d.d Sarajevo

5. spis,

6. a/a



Predsjednica suda

Fata Nadarević